

آبونه شرائطی : هریر ایچون
سنه لکی (۲۷۵) آلتی آیلغی
(۱۵۰) خارج ایچون سنه لکی
۳۲۵ غروشدور .

نسخه سی ۵ غروشدور .
ایکی نسخه برآراده
(۱۰) غروشدور
سنه لکی ۵۲ نسخه در .

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدله یین
یازیلر اعاده اولنماز .

تذکره

۱۳۳۹

ادرس تبدیلنده آریجه
۵ غروش کوندورملیدر .

مکتوبلرک امضالری واضح
واوقوناقلی اولسی و آبونه
صره نومروسنی محتوی
بولونسی لازمدور

ممالک اجنبیه ایچون آبونه
اولانلرک آدرس لرینک
فرانسزجه یازلسی رجا اولنور .

پاره کوندورلدیکی زمان نهیه
داثر اولدینی بیلدیرلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

سبیل الرشاد هبره اسمیه

— شیخ محسن قانی الظاهری حضرتلرینه —

یکی علم کلام حقده کی تنقیدلری اوقودم ، ذات عالیلری کی ارباب تفکر و تدقیقک از عاجزی بی تعقیب ایتلری جدا شایان شکراندر ؛ یالکنز اثر کتری هنوز ساحه انتشاره وضع اولونه دن اول در میان اولنان فکری طوغریسی عجله بولدم ، کلام تسمیه سی حقده بلا لزوم مناقشات لفظیه قبوسی آچیه ده بیان عالیکنز ایله متناسب بولدم . مقدمه بی تشکیل ایدن ایلك کتاب بوکره نشر اولندی ؛ بستیون یکی برطرزده قلمه آلتان ایلك کتابزه ، خصوصاً دیباجه ایله فصل ثانیک ایکنجی ، اوچنجی ، سکیزنجی بندلرینه برکره اصرار نظر اولنسون . کوریلیرکه جدلیات کلامیه ، مناقشات لفظیه آتیلمش ، باطنی الحاددن عبارت اولان باطنیه ، طائفه سندن ماعدا فرقلر حقده اصلا طعن وقوع بولماشدر . اوپله امید ایدرم که کتابزهی مطالعه ایتدکن صوکره فکر عالیلری خیلیدن خیلیه تعدیل اولنه جقدر . اصل مسائل کلامدن بحث ایدن ایکنجی و اوچنجی کتابلرده ده بیانجیلر اصلا حرم اسلامه آلماشدر .

کلام تسمیه سی حقده اراد اولنان وجهلرک هیچ بری ، کتابزده اشارت اولندیفی اوزره ، قطعی دکادر ؛ هنوز عباسیلرک ظهور ایتدیکی برزمانده کلامک ظهوری نظر دقتدن دور طوتیلما ملیدر . جدل حسن قرآن مبینک ارشاد ایتدیکی دعوت طریقلرندن بری در . و جالهم بالقی هی احسن - سورة نحل .

باقی احترامات فائمه مک قبولی .

ازمیری

اسماعیل هفی

انقره ۲۰۰ خیران ۳۳۹

استانبول مدرسه لری

— ۲ —

کچن نسخه ده استانبول مدرسه لری - بنالری نقطه سندن - تدقیق ایدرک بو باده کی دوشونجه لری در میان ایتشدم . شمدی بومدرسه لرک اداره جهتلری - صولک زمانلره عائد برتاریخچه - فی چیزدکن صکره - ینه مطالعه لرمک علاوه سیله ذکر و بیان ایدیورم .

استانبول مدرسه لری ؛ دور حمیدیه اداره نقطه سندن بوکونکی کی ویا بوکا بکزر بر تشکیلاته تابع و مالک دکل ایدی . هر مدرسه نک اکثریسی حسی ، بر قسمی پک جزئی وظیفه معینلی اولمق اوزره در مدرسی ، برر ، بعضاً ایکیشر بوانی واردی .

مدرسسلر ، درس اوقوتقله مکلف اولمقلری کی بر چوقلری بو ابلقدن مدرسه مدرسلکنه کچمش ، ایچلرنده اوقومق ، یازمق بیلنلر

آر ، سنه لرحه مدرسه سنک سمتنه اوغرامایانلر ، حق مدرسه لری بیلمه یلر چوق . بر ذاتک عهده سنده برقاچ مدرسه مدرسلکی جائز الجمع .

مدرسه لرک داخلی ایشلری ، ضبط و ربطی ، کیجه لری قابیلرک معین ساعتلرده قایمسی ، مدرسه یه کیرن ، چیقانلرک سوزده مراقبه سی ، کیجه کوندوز مدرسه حویلینده و اوپله لرنده بوکسک سسله قونوشیلما مسنک تأمینی ، مدرسه لرک تنظیفات و تطهیراتی بوابلره مودوع . طلبه نک هر هانکی برایشنه عائد علم و خبرلر ، قید ، مرور تذکره سی ، خسته لق کی خصوصاتی حاوی ورقلر ، احسان شاهانه بوصله لری بوابلر طرفندن مدرسه ک اوینه کتیریلیر ، یاخود مدرس طرفندن بوابه امانت ایدیلن مهر رسمی ایله مهرله نیر .

طلبه قیدوقبولی ، درس و کالتنجه اجرا ایدیلیر . درس و کالتی مجلسی ، بر درس و کیلی [۱] ایله درسهاملردن اولمق شرطیه متعدد اعضاء فخریه دن مرکب . هیئت تحریریه سی ؛ اوللری ، بر طلبه کاتی ، بالاخره برده مقیددن عبارت . رئیس ایله اعضالر ، هب بر آراده اوطوریر ، طلبه کاتی ده رابر .

هر سنه قید اولنه حق طلبه نک عددی نامحدود . مدرسه لرک ، جوارلرنده کی خانلرک ، بکار اوپله لرینک قابلیت - تبعاییه سی قدر . شوقدر وارکه ، هر هانکی بر مدرسه یه قید اولنمق ایچون بر مدرسه مدرسنک ، کیجه لی کوندوزلی مدرسه نشین در . دیسی مشروط . بوده ، عرض ایتدیکم کی مدرسه سی و طلبه سن بیلیمین هر هانکی بر مدرس ایتدینک ؛ بوابک مهرلندیکی احتیاجه صالح و درس و کالتنجه معمول به بر علم و خبریه ممکن .

قید علم و خبرلری ، نفوس تذکره لرله برلکنده بواب طرفندن طلبه کاتبه تسلیم ایدیلیر ، قیدلری اجرا اولنور . بر مدت صکره ، قید ایچون علم و خبر کوندن بتون طلبه قانییه دعوت اولنور . طلبه کاتی براسکمله اوزرینه چیقار ، بلند آواز ایله و صره ایله اوقور . هر ایتدی نفوس کاغذی آلیر . آرتق قید معامله سی ختام بولمشدر . مدرس ایتدییه معلومات ویرمکه بیله لزوم یوق .

درس و کالتی مجلسی ، طلبه ایشلریله مشغول اولدیفی زمان ، مجلس مصالح طلبه ، نامنی آلیر . رؤس امتحانلری زماننده اسمی و مجلس

[۱] درس و کیلی ، تاریخی بر تعبیردر . سلطان بایزید ، بنا ایتدیکی مشهور مدرسه علمیه سنک مدرسلکنی ، شیخ الاسلام اولانلره شرط و تخصیص ایتشدی . اوزون مدت شیخ الاسلاملر ، بومدرسه ده نشر علوم ایتدیلر . صکره لری شیخ الاسلاملرک کثرت مشغولیتی ، بعضلرینک اهلیت علمیه بی حائز اولما ملری حسیله وکیل ایله تدریس تنسیب اولمش ، او ذاته درس و کیلی دینلشدی . بالاخره مدارس علمیه نک نظارتده شیخ الاسلام طرفندن بو درس و کیلنه نودیج ایدیلرک بو صورتله احداث اولنان بو مأوریت بوکونه قدر دوام ایتشدر .